

Euskadin bizi diren 30 urtetik beherako gazte gehienek ez dute inoiz beren kontura lan egiteko aukera aintzat hartu


16 eta 29 urte bitarteko gazteen % 2,4k autonomoen erregimenean edo enpresaburu moduan lan egiten dute

Jarraian aurkeztuko diren datuak "[Gazteak eta enplegua Euskadin 2015](#)" ikerketatik datoz. Ikerketa hori [Gazteen Euskal Behatokia](#)k burutu du eta horretarako inkesta baten emaitzetan oinarritu da. Ia 2000 gazte elkarrizketatu dira Gazteen Euskal Behatokiak zuzendutako inkesta horretan.

Ikerketaren datuok adierazten dute Euskadin bizi diren 16 eta 29 urte bitarteko gazteen gehiengoak (% 70,9k) ez duela inoiz ere izan norberaren kontura lan egiteko ekimenik, ezta pentsatu ere. Gazteen % 16,1ek esaten du pentsatu izan duela noizbait, baina azkenean bere kontura lanik ez egitea erabaki duela. Eta % 1,2k lan egin du noizbait autonomoen erregimenean edo enpresaburu moduan, baina orain ez dago egoera horretan.

Bestalde, Euskadin bizi diren 30 urtetik beherako gazte guztien % 2,4k adierazten du autonomoen erregimenean edo enpresaburu moduan lan egiten duela, eta % 8,5 ari da aukera hori serio aztertzen. Esan dezakegu, horrenbestez, autoenplegurako ekimena duela Euskadin hamar gaztetik batek (% 10,9k).

Nabarmenezkoa da ez dutela inoiz ere aukera hori aintzat hartu langabezia daudenen bi herenek (% 67,8k). Langabezia daudenen % 22,4k pentsatu izan du aukera hori aintzat hartu, baina aurrera ez egitea erabaki dute. Langabezia daudenen % 8,9k pentsatu izan du aukera hori serio aztertzen ari dira. Langabezia daudenen % 2,4k pentsatu izan du aukera hori serio aztertzen ari dira, baina orain ez dago egoera horretan.



Oro har, emakumeek baino autoenplegurako joera handiagoa dute gizonak. Gaur egun, gizon gazteen % 3,1ek egiten du lan bere kontura, eta emakumeen % 1,7k lan egiten du erregimen horretan. Horrez gainera, gizonen % 9,5 ari da serio aztertzen aukera hori, eta emakumeen artean, berriz, % 7,5.

Autonomoen eta enpresaburuen ehunekoak handiagoa da 24 urtetik gorakoen artean, eta 25-29 adin-tarte horretan gainerako taldeetan baino gehiago dira iraganean autonomo edo enpresaburu izan direnak eta autoenplegurako urratsa emateko aukera serio aztertzen ari direnak (edo, aukera hori aztertu, baina aurrera ez egitea erabaki dutenak).

Autoenplegurako jarrera 16 eta 29 urte bitarteko gazteen artean, sexuaren eta adin taldeen arabera					
(%)	GUZTIRA	Sexua		Adin taldeak	
		Emakumeak	Gizonak	16-24 urte	25-29 urte
Gaur egun autonomoak, profesional liberalak edo enpresaburuak dira	2,4	1,7	3,1	1,4	3,8
Garai batean autonomoak, profesional liberalak edo enpresaburuak izan ziren baina gaur egun ez	1,2	1,3	1,1	0,2	2,6
Aukera hori serio aztertzen ari dira	8,5	7,5	9,5	7,5	9,9
Aukera hori aztertu dute baina aurrera ez egitea erabaki dute	16,1	15,7	16,5	14,0	18,9
Ez dute inoiz aukera hori aintzat hartu	70,9	73,2	68,9	76,0	64,1
Ed/Ee	0,8	0,7	1,0	0,9	0,7
GUZTIRA	100	100	100	100	100

Iturria: Gazteen Euskal Behatokia ("Gazteak eta enplegua Euskadin 2015")

Egin dituzten ikasketak aintzat hartuta, ikusten da prestakuntza-zikloren bat amaitu dutenak direla gehien aztertu dutenak autoenpleguaren aukera: % 35ek aztertu du aukera hori, gero aukera hori gauzatu duen ala ez aintzat hartu gabe (ehuneko horretan sartzen dira gaur egun norberaren kontura lanean ari direnak eta noizbait erregimen horretan lan egin dutenak, autonomo izateko aukera aztertu eta aukera hori baztertu dutenak, eta gaur egun aukera hori serio aztertzen ari direnak).

Zer bilakaera izan du azken urteetan norberaren kontura lan egiteko ekimenak, goranzkoa ala beheranzkoa?

Autoenpleguaren alorrean eskarmentua duten gazteen ehunekoak behera egin du 2015. urtean aurreko urteekiko; hau da, gutxiago dira, gaur, autonomoak, profesional liberal edo enpresaburuak eta, gaur egun horrelako lanik egin ez arren, noizbait erregimen horretan lan egin dutenak.

Era berean, 2015. urtean behera egin du zertxobait, erregimen horretan lan egin ez arren, noizbait aukera hori aztertu dutenen ehunekoak. 2013. urtean izan zen handiena beren kontura lan egiteko aukera aztertu zuten gazteen ehunekoak: urte horretan, gazteen % 29,3k aztertu zuen serio edo, aztertu ondoren, baztertu zuen bere kontura lan egiteko aukera.

Autoenplegurako jarreraren bilakaera 16 eta 29 urte bitarteko gazteen artean					
(%)	2004	2008	2011	2013	2015
Gaur egun autonomoak, profesional liberalak edo enpresaburuak dira	3,1	3,9	3,2	3,6	2,4
Garai batean autonomoak, profesional liberalak edo enpresaburuak izan ziren baina gaur egun ez *	0	0	1,4	0,9	1,2
Aukera hori serio aztertzen ari dira	6,9	10,4	11,1	11,9	8,5
Aukera hori aztertu dute baina aurrera ez egitea erabaki dute	14,4	13,6	12,1	17,4	16,1
Ez dute inoiz aukera hori aintzat hartu	74,4	70,8	71,6	65,4	70,9
Ed/Ee	1,2	1,3	0,6	0,9	0,8
GUZTIRA	100	100	100	100	100
* Erantzun aukera hori ez zen kontuan hartu 2004 eta 2008 urteetan					
Iturria: Gazteen Euskal Behatokia ("Gazteak eta enplegua Euskadin 2015")					

30 eta 34 urte bitarteko pertsona gehienek ere ez dute inoiz ere pentsatu beren kontura lan egiteko aukera baliatzerik (% 59,6). Hala ere, adin-tarte horretan autoenpleguaren aukera aztertu dutenak (gerora aukera hori baliatu ote duten ala ez aintzat hartu gabe) 30 urtetik beherakoan artean baino gehiago dira.

30 eta 34 urte bitarteko adinean dauden pertsonen % 8,3k adierazten du langile autonomoa, profesionala liberala edo enpresaburu dela, % 4,7k dio garai batean erregimen horietakoren batean lan egin zuela, baina orain ezetz; % 19,5ek azaldu du ideia aztertu zuela, baina ez zuela horretarako urratsik eman, eta, gaur egun, % 7,7 ari da serio aztertzen aukera hori (azken ehuneko hori zertxobait handiagoa da 30 urtetik beherakoan artean, adin horretatik gorakoan artean baino).

